

## ხელშეკრულება

საბანკო ანგარიშით მომსახურების შესახებ

264/06-2

ქ. თბილისი

19 აგვისტო 2015 წელი

ერთის მხრივ სს „ვითიზი ბანკი ჯორჯია“ \_ს ვაკის ფილიალი [შემდგომ „ბანკი“] წარმოდგენილი მისი მმართველის გიორგი ბალანჩივაძის სახით და მეორეს მხრივ სსიპ „ივანე ჯავახიშვილის სახელობის თბილისის სახელმწიფო უნივერსიტეტი“ [შემდგომ „კლიენტი“] წარმოდგენილი დავით ჩომახიძის სახით ვედებთ წინამდებარე ხელშეკრულებას შემდეგზე:

### 1. ხელშეკრულების საგანი

- 1.1. ბანკი წინამდებარე ხელშეკრულების საფუძველზე უხსნის კლიენტს საბანკო ანგარიშს და უწევს კლიენტს მომსახურებას ბანკში გახსნილ საბანკო ანგარიშთან დაკავშირებით, წინამდებარე ხელშეკრულებით და კანონმდებლობით განსაზღვრული პირობებითა და წესით, ხოლო კლიენტი გაწეული მომსახურებისათვის იხდის საფასურს.
- 1.2. მხარეები თანხმდებიან, რომ წინამდებარე ხელშეკრულების საფუძველზე ანგარიში იხსნება ერთი კონკრეტული ტრანზაქციის [შემდგომ „ტრანზაქცია“] განსახორციელებლად და დაუშვებელია რომელიმე სხვა საბანკო ოპერაციის განხორციელება, რომელიც არ არის საჭირო/აუცილებელია 1.3 პუნქტით განსაზღვრული ტრანზაქციის შესასრულებლად.
- 1.3. ტრანზაქცია [მიმღები, თანხის ოდენობა და სხვა რეკვიზიტები] აღწერილია სსიპ „ივანე ჯავახიშვილის სახელობის თბილისის სახელმწიფო უნივერსიტეტი“\_ს მიერ საქართველოს ფინანსთა სამინისტროს სახაზინო სამსახურისადმი გაგზავნილ N 1340/01-02-03-50 წერილში [წერილის თარიღი 06.08.2015].
- 1.4. ტრანზაქციის შესრულების შემდეგ ბანკი ხურავს წინამდებარე ხელშეკრულების საფუძველზე გახსნილ ანგარიშს.
- 1.5. წინამდებარე ხელშეკრულების საფუძველზე ბანკის მიერ განხორციელებული მთლიანი მომსახურების ღირებულება შეადგენს \_\_\_\_\_.

### 2. ანგარიშზე ოპერაციების წარმოების ზოგადი წესი

- 2.1 ბანკი ახორციელებს ანგარიშიდან თანხების გადარიცხვას მასზე არსებული ნაშთის ფარგლებში.
- 2.2 ფულადი თანხების გადარიცხვაზე კლიენტის საგადახდო დავალების შესრულება ბანკის მიერ ხორციელდება „საგადახდო სისტემისა და საგადახდო მომსახურების შესახებ“ საქართველოს კანონის და ეროვნული ბანკის ნორმატიული აქტებით დადგენილ ვადებში.
- 2.3 ამონაწერი ანგარიშზე წარმოებული ოპერაციის შესახებ კლიენტს მიეცემა მოთხოვნიდან არაუგვიანეს მეორე საბანკო დღისა.
- 2.4 გადასახდელი მომსახურების საფასურის შესახებ ბანკი წარუდგენს ინვოისს კლიენტს და ეს უკანასკნელი ვალდებულია უზრუნველყოს ინვოისით გათვალისწინებული თანხის ბანკისათვის გადახდა ინვოისის წარდგენიდან ათი სამუშაო დღის ვადაში.

### 3. მხარეთა უფლება-მოვალეობანი

3.1 ბანკი იღებს ვალდებულებას:

- 3.1.1 დროულად მიიღოს და ჩარიცხოს გადმორიცხული ფულადი სახსრები ანგარიშზე.
- 3.1.2 შეასრულოს კლიენტის განკარგულება ანგარიშიდან თანხების გადარიცხვის შესახებ.

- 3.1.3 კლიენტის დავალებით, ხოლო კანონმდებლობით ან ხელშეკრულებით გათვალისწინებულ შემთხვევაში დავალების გარეშე, ჩამოწეროს შესაბამისი თანხები ანგარიშიდან მიმღების ანგარიშზე ჩასარიცხად.
- 3.1.4 უზრუნველყოს ანგარიშზე არსებული ფულადი სახსრების დაცვა.
- 3.1.5 უზრუნველყოს საბანკო საიდუმლოების ანუ ანგარიშზე არსებული ნაშთებისა და ანგარიშზე წარმოებული ოპერაციების საიდუმლოების დაცვა, გარდა კანონმდებლობით გათვალისწინებული შემთხვევისა.
- 3.1.6 ანგარიშზე საკმარისი სახსრების არსებობისას, ბანკში საოპერაციო დღის განმავლობაში წარდგენილი დავალებების 2.2 მუხლით გათვალისწინებულ ვადებში ბანკის ბრალით შეუსრულებლობისას, აუნაზღაუროს კლიენტს მიყენებული ზიანი.
- 3.2 ბანკს უფლება აქვს:
- 3.2.1 გამოიყენოს ანგარიშზე არსებული ფულადი სახსრები იმ პირობით, რომ კლიენტმა შეუფერხებლად მოახდინოს მათი განკარგვა.
- 3.2.2 ანგარიშიდან უაქცეპტოდ ჩამოწეროს:
- შეცდომით ჩარიცხული თანხები და აღადგინოს შესაბამის ანგარიშზე ან გადარიცხოს დანიშნულებისამებრ.
  - თანხები კანონმდებლობით გათვალისწინებულ სხვა შემთხვევებში.
- 3.2.3 გადაახდევინოს კლიენტს ჯარიმა ანგარიშზე შეცდომით ჩარიცხული თანხის გამოყენებისათვის, ამ თანხის 0,5%-ის ოდენობით მისი სარგებლობის ყოველ დღეზე.
- 3.2.4 კლიენტის მიერ წინამდებარე ხელშეკრულების პირობების დარღვევის შემთხვევაში, მისი გაფრთხილების შემდეგ დახუროს ანგარიში.
- 3.2.5 დახუროს ანგარიში ნორმატიული აქტებით გათვალისწინებულ შემთხვევებში.
- 3.3 კლიენტი ვალდებულია იღებდეს:
- 3.3.1 ანგარიშზე ოპერაციების წარმოებისათვის გადაუხადოს ბანკს მომსახურების საფასური.
- 3.3.2 ანგარიშზე ფულადი სახსრების შეცდომით ჩარიცხვის შემთხვევაში, ბანკიდან ამონაწერის მიღებიდან ორი სამუშაო დღის განმავლობაში, აცნობოს ბანკს შეცდომის შესახებ. შეცდომით ჩარიცხული თანხების გამოყენების შემთხვევაში, გადაუხადოს ბანკს ჯარიმა გამოყენებული თანხის 0,5%-ის ოდენობით მისი სარგებლობის ყოველ დღეზე.
- 3.3.3 აცნობოს ბანკს მისამართის და ყველა იმ ცვლილების თაობაზე, რომლებმაც შესაძლოა ზეგავლენა იქონიონ წინამდებარე ხელშეკრულებით განსაზღვრულ ვალდებულებათა დროულად შესრულებაზე.
- 3.3.4 წარმოადგინოს ბანკში ცვლილებათა დამადასტურებელი დოკუმენტი ცვლილებების განხორციელებიდან არაუგვიანეს 5 დღისა.
- 3.3.5 წარუდგინოს ბანკს ინფორმაცია და დოკუმენტები, რომელიც აუცილებელია ანგარიშზე ოპერაციების ჩასატარებლად.
- 3.4 კლიენტს უფლება აქვს:
- 3.4.1 მისცეს ბანკს ისეთი დავალებები ანგარიშზე ოპერაციების საწარმოებლად, რომელიც არ არის კანონმდებლობით აკრძალული.

#### 4. მხარეთა პასუხისმგებლობა

- 4.1 ბანკი პასუხისმგებელია კლიენტის წინაშე ანგარიშზე ოპერაციების წარმოების სისწორისა და დროულობისათვის, მოქმედი კანონმდებლობის შესაბამისად.
- 4.2 ბანკი არ არის პასუხისმგებელი კლიენტის წინაშე მომსახურების განხორციელების დაყოვნებისათვის, თუ ეს მისი მიზეზით არ არის გამოწვეული.
- 4.3 კლიენტი კისრულობს პასუხისმგებლობას ანგარიშზე განხორციელებული საბანკო ოპერაციების მართლზომიერებასა და ოპერაციების საწარმოებლად წარმოდგენილი დოკუმენტების უტყუარობაზე.

## 5. სხვა პირობები

- 5.1 წინამდებარე ხელშეკრულება ძალაში შედის მხარეთა მიერ ხელმოწერის მომენტიდან და მოქმედების ვადა განისაზღვრება ხელშეკრულების 1.4 პუნქტის შესაბამისად.
- 5.2 წინამდებარე ხელშეკრულებაში ცვლილებებისა და დამატებების შეტანა შეიძლება მხარეთა წერილობითი შეთანხმების საფუძველზე.
- 5.3 წინამდებარე ხელშეკრულება შედგენილია თანაბარი იურიდიული ძალის მქონე ორ ეგზემპლარად. ერთი ეგზემპლარი ინახება ბანკში, ხოლო მეორე - კლიენტთან.
- 5.4 ნებისმიერი დავა, გამომდინარე ამ ხელშეკრულებიდან და მასთან დაკავშირებული აქცესორული ხელშეკრულებიდან, დაკავშირებული მათ გაუქმებასთან, შეწყვეტასთან, ბათილობასთან, ხელშეკრულებიდან გასვლასთან და მისგან გამომდინარე ნებისმიერ შედეგთან [მათ შორის უზრუნველყოფის ღონისძიებათა გამოყენებასთან], ასევე წინამდებარე პუნქტით გათვალისწინებული საარბიტრაჟო დათქმის ნამდვილობასა და არსებობასთან დაკავშირებული საკითხები განსახილველად და საბოლოო გადაწყვეტილების მისაღებად გადაეცემა შპს „საქართველოს საარბიტრაჟო პალატას“ [საიდენტიფიკაციო N205267389], რომლის იურისდიქციას მხარეები აღიარებენ ანულირების გარეშე. აღნიშნული არბიტრაჟი საქმეს განიხილავს თავისი დებულებით დადგენილი წესით. საქმეს, მისი სირთულიდან გამომდინარე, განიხილავს არბიტრაჟი ერთი ან სამი არბიტრის შემადგენლობით. არბიტრებს ნიშნავს და მათ რაოდენობას განსაზღვრავს არბიტრაჟი. არბიტრაჟის მიერ მიღებული გადაწყვეტილება სასარჩელო მოთხოვნის უზრუნველყოფის შესახებ ექვემდებარება აღსრულებას არბიტრაჟის მიერ გაცემული სააღსრულებო ფურცლის საფუძველზე და არ საჭიროებს სასამართლოს მიერ ცნობასა და აღსრულებას.
- 5.5 მხარეები დამატებით იღებენ ვალდებულებას მისამართის ან/და ფაქტობრივი ადგილსამყოფელის შეცვლის შემთხვევაში აცნობონ იგი არბიტრაჟს, წინააღმდეგ შემთხვევაში არბიტრაჟის მიერ კორესპონდენცია გაგზავნილი იქნება წინამდებარე ხელშეკრულებით გათვალისწინებული მისამართის მიხედვით და კორესპონდენცია [მათ შორის გზავნილი, გარკვეულ საარბიტრაჟო მოქმედებათა შესახებ შეტყობინება, განკარგულება, გადაწყვეტილება და ა.შ.] ჩაითვლება ჩაბარებულად [შესაბამისი თანმდევი სამართლებრივი შედეგებით].
- 5.6 წინამდებარე ხელშეკრულების გაფორმებით ძალადაკარგულად ჩაითვალოს მხარეთა შორის არსებული ყველა შეთანხმება თუ ხელშეკრულება რომელიც არეგულირებდა იმავე ურთიერთობებს, რომელსაც არეგულირებს წინამდებარე ხელშეკრულება.

### მხარეები

ბანკი: დასახელება: სს ვითიზი ბანკი ჯორჯია

მისამართი: ჭავჭავაძის 2

საიდენტიფიკაციო ნომერი: 202906427

ხელმძღვანელობა/წარმომადგენლობა: გიორგი ბალანჩივაძე

საკონტაქტო ინფორმაცია: 2 242424

